



# Comunu de Santa Justa

(Provintzia de Aristanis)

Via Garibaldi n° 84 – CAP 09096 – ☎ 0783/354502.3 – Fax 0783/354535  
P.I.V.A./C. F. 00072260953 – c/c postale 16425092 – www.comune.santagiusta.or.it

---

## UFÌTZIU DE SU SÌNDIGU

Prot. n. 8603

### ORDINÀNTZIA SINDACALI N.11 DE SU 07/09/2020

**OGETU: MESURAS PO CUMBATI E REFRENAI S'ISPAINADURA DE SU VIRUS COVID-19. OBLIGU DE IMPERAI IS MASCAREDDAS IN TOTU SU TERRITÒRIU COMUNALI FINTZAS IN IS LOGUS ABERTUS DE S'8 A SU 30 DE CABUDANI.**

#### **Premìtiu ca:**

- Cun delìbera de su 31.01.2020 su Consillu de is Ministrus at decrarau su stadu de emergèntzia po arriscu sanitàriu acapiau a s'ispainadura de su Covid 19. (20A00737);
- S'11 de friarxu 2020 s'OMS at decrarau ca sa maladia dèpia a su 2019-nCoV est nomonada COVID-19 (Corona Virus Disease);
- Cun tzirculari n. 5443 de su 22 friarxu 2020 su Ministeru de sa Saludi at emìtiu dispositzionis cun inditus nous e acramentus po su chi pertocat s'epidemia de COVID-19.

**Marcau** ca po cumbati s'ispainadura de su virus covid-19 is ufitzius comunalis ant serrau a su pùblicu;

**Pigau a cunsideru** ca a movi de lunis 18 de maju est cumentzada sa fasi 2 de sa gestioni de s'emergèntzia Covid-19;

**VISTA** s'Ordinàntzia n. 27 de su 02.06.2020 pregonada de sa Regioni Autònoma de Sardìnnia inui si detzidit de permitiri , movendi de su 03.06.2020 de torrai a aberri is ufitzius a su pùblicu, siat pùblicus siat privaus, stùdius professionalis e servìtzius;

**VISTU** su Decretu-Lei 30 de argiolas 2020, n. 83, chi narat “Mesuras urgentis acapiadas a sa scadèntzia de sa decrarazioni de emergèntzia epidemiològica de COVID-19 deliberada su 31 de gennarxu 2020”, inui si pròrrogat su stadu de emergèntzia fintzas a su 15.10.2020;

**Cunfirmau** ca in custas diis in sa comunidadi de Santa Justa s sunt benius a pillu casus de positividadi a su virus Covid- 19 e duncas est netzessàriu pònniri torra calincunu limiti po amparai sa saludi de is tzitadinus e de is dipendentis;

## **ORDINAT**

**A movi de s'8 de cabudani e fintzas a su 30 de su mesu, a chinisiat si agatit in su territòriu de Santa Justa s'òbligu de imperai sa mascaredda in totu is logus abertus, in is atividadis e in is ufitziu pùblicus a totu dì; s'ordinàntzia balit fintzas a su 30 de cabudani.**

## **AVISAT CA**

Chini no at a respetai custa ordinàntzia at a èssiri puniu segundu su chi narat sa lei (art. 4 Decretu-Lei 25 de martzu 2020, n. 19), (art. 2 Decretu-Lei 16 de maju 2020, n. 33).

Custa ordinàntzia est apicada a su quadru pretòriu de s'enti e si ndi donat connoscèntzia a mesu stampa e is su giassu internet de su Comunu de Santa Justa; contra de custa ordinàntzia est amìtiu ricursu a su Tribunali Amministrativu Regionali intra de 60 diis de sa comunicatzioni o ricursu a su Capu de Istadu , intra de 120 diis.

## **DISPONIT**

Chi custa Ordinàntzia siat trasmìtia: a sa Prefetura de Aristanis

- A sa Cuestura de Aristanis
- A sa Stazioni Carabineris de Santa Justa
- A su Quadru Pretòriu - SEDE

Santa Justa, 7 de cabudani 2020

Su Sìndigu

ANTONELLO FIGUS